

E Parkhaus muss her

Omm letzde Sunndaach hawwe merr unne omm Moo uffere Bonk gesotze unn hawwe uffs Wasser geguggd, de Karl, de Schorsch unn isch. Hinner uns iss oo Audo hinnern onnern uff de Parkplatz druffgefahrn unn e bissi späder war dort koon Platz mieh.

Seet de Schorsch: Unser städtische Parteie missde sich doodriwwer Gedonke mache.

Frächt de Karl: Ei iwver was donn, Schorsch?

Iwver de ruhende Verkehr in Flerschem, dut emm de Schorsch ze Antwort gewwe.

Isch habb laut gelacht.

De Schorsch hott mich gons schebb oogeguggd. Was lachsden?

Isch lach noch mieh. Ei iwver de ruhende Verkehr.

De Schorsch druff: Su heeßt dess awwer. Was duts donn doo ze lache gewwe?

Isch saach: De ruhende Verkehr, su ebbes gibt's nitt. Denk doch emol, Schorsch, wies bei dir unnem Kättche frieher gewese iss, entweder es war Verkehr odder ess war Ruh.

Schleeschdschwätzer, seet de Schorsch, weil dess werdd die Uffgab vunn dene Flerschemer Politiker soi, noochzedenke iwver die Parkplätz in Flerschem unn nitt iwver als mieh Fahrradweesche. Es dut vill gebaut wernn unn die Parkplätz kumme nitt nooch iwverall in de Stadt, guckt eich doch emol um. Grad die neie Leit, die nooch Flerschem kumme, die wernn all zwaa odder drei Audos hawwe unn bald werdds eng in de Stadt. Merr misst dene Politiker mol schreiwe: E Parkhaus muss her!

Dess iss gut, seet de Karl, unn weil ich grad enn Zeddel unn enn Kuli oistigge habb, donn schreiwe merrs emol uff. Fong oo, Schorsch.

De Schorsch hott dief Luft geholld unn oogefonge: Liewe Weibslait unn Monnsleit ...

Halt, habb isch de Schorsch gebremst, mir misse dess in Hochdeutsch schreiwe, sunnst kenne die dess nitt lese.

Ja, hott Schorsch gesaad, dess iss rischdisch. Also: Liebe Damen und Herrn. Mir alten Flerschemer bitten darüber nachzudenke, dass in Flörsheim ausreichend Parkplätz geschaffe werden. Mir dun vorschlagen ...

Dess iss Flerschemer Grammatik, Schorsch, saach isch..

Awwer schee, seet de Schorsch unn mächt weider: ... mir dun vorschlagen, ein Parkhaus zu bauen und dess auf dem Rathenauplatz, der ist sowieso für nix sonst zu gebrauchen. Und weil mir immer wieder lesen dun, dass es in der nächsten Zeit Autos geben wird, die von selber fahrn, schlagen wir folschendes als Neuheit für gons Deutschland vor: Die Parkplätze im Parkhaus „Alt-Flerschem“ werden autonom – su heeßt dess doch? – angefahren. Sie stelle Ihne Ihr Auto davor, drücken die grüne Taste auf Ihne Ihrn Smartfon und das Auto fährt automatisch in das Parkhaus und in eine freie Parklücke. Wenn Sie es wieder brauchen dun, stellen Sie sich vor das Parkhaus, drücken wieder die grüne Taste und das Auto kommt von alleine vorgefahren. Hosde alles, Karl?

De Karl hott genickt. Ei nodierlich, Schorsch. Dess Schreiwe iss gut, dess wernn merr dene schicke. Awwer moonderr, die Flerschemer Politiker deede uff uns heern?

Naa, die heern nitt uff uns, habb isch gesaad, weil die dun sich liewer streite iwver Kloonschkeite als doodriwwer noochzedenke, dass Flerschem bald enn gewaldische Neuwaachefriedhof iss, weil derjenische, der oomol soi Audo in de Stadt geparkt hott nimmi fortfährt aus Ängst, dass er, wanner redour kimmt, koon Parkplatz mieh finne dut.